

二

三十三天第一天玉皇殿下裊輕烟不知劫數今何代方是延
康第二年弱水無船歸似箭華胥有夢且遊仙攜筇難老亭前
坐且結焚香瀾茗緣

贈琴客陸元章

手持一枚寒水晶十指擊戛如玉鳴曲彈白雪陽春調調有高
山流水聲松梢鶴唳恰夜半爐烟寂寂風泠泠紙衾瓦枕冷如
水展轉無夢睡不成起來搔手撫一闕吟罷滿山秋月明

題棲仙館

好松好竹好溪山車馬駢闐自往還行客聞翁新酒白入門踏
道藏輯要 白真人集二 三 婁集二 川上

破嫩苔斑我言物外清幽地卻似塵中闐闐間穀粟桑麻空潤
屋主人陪接不曾閑

雨中題旅館

風攪長空秋雨懸路如苔滑懶搖鞭入門指僕買杯酒磨墨倚
窗吟一篇黃竹繞簷黃蟻戰白蘆映水白鷗眠一聲長嘯便歸
去回首孤村空暮烟

怡齋

逸士幽居松竹林小堂偃枕北山陰夜深冷月寒蓬戶曉起清
風爽楮衾把劍更滄杯面酒撥書動破篆頭琴自從一見羲皇
面千古誰知養活心